

ՀԵՂԻՆԷ

Վ Է Գ

Տ-ին Մ. ՄԱՐԻՍԵԱՆԻ

ՄԱՍՆ ԵՐԿՐՈՐԴ

(Երբեք հեղինակը)

Կ

Երեք կրակոտ ձիեր սլացնում էին Սահառունու կառքը Ե-ից
դէպի Ք-ս տանող խճուղիով, հեռացնելով նորան իւր ծննդավայրից։
Սահառունին քաղցր ցնորքների մէջ էր ընկել, «Վերջապէս
նորից կը տեսնեմ նորան... Ես փախայ նորանից, կարծելով որ, եթէ
նորանից հեռու լինեմ, զգացմունքներս կը լսեն, կը հպատակեն
խելքիս. որքա՛ն միամիտ էի ես, որքա՛ն սխալ էր իմ ենթադրու-
թիւնս... Դանի ես նորանից չէի հեռացել ու ամեն օր տեսնում էի
նորան, ես չէի իմանում թէ ինչ երջանկութիւն է ինձ համար
նորա մօտ լինելն ու նորա երեսը տեսնելը. բայց, հէնց որ բաժան-
ւեցինք միմեանցից, ես հասկացայ՝ որ այդ ինձ համար նոյնպիսի
անհրաժեշտ պահանջ է, ինչպէս շնչելը...

Անցնում անլայտանում էին վերադարձի վերադարձի յետևից, փոխում էին կայարանները, մեր ճանապարհորդը ոչինչ չէր նկատում. նա վերացել էր մոքով, նա երջանիկ էր...

Պայծառ օր էր, երբ որ Սահառունին մտաւ Թ-ս. ճանապարհին պատահող ծանօթներին նա ուրախ-ուրախ ու քաղցրութեամբ բարևում էր և նորան թուում էր թէ ծանօթներն էլ նոյն սրտովն են պատասխանում իւր բարևին:

—Այդպէս է միշտ, սիրահարւած մարդը ամենքին քաղցր սրտով ու բարի հոգով է վերաբերւում:

Այդ մտածելու թուականը նորա աչքովն ընկան Հեղինէն թուանցուկ արած Ասունու հետ: Նրանք ուրախ-ուրախ բարևեցին նորան թաշկինակները թափ տալով: Սահառունին ուրախութիւնից քիչ էր մնում զուրս թռչէր կառքից, բայց իրան զսպեց: Նրանք անցան ու անլայտացան:

—Ինչ է պատահել, այդ օր էր այդպէս շտապում, միաձայն հարցրեցին Եփեմիան ու Ելիզաւետա Բոգդանովնան, որոնք գալիս էին հակառակ կողմից ու պատահեցին Հեղինէին ու Ասունուն:

—Գէորգի Ալեքսանդրովիչն եկաւ. տիկին Հեղինէին տանում եմ տուն հասցնեմ ու վազ տամ նորան հիւրանոցից տանեմ իմ տունը, շտապով պատասխանեց Ասունին:

—Ինչ անսիրտ մարդ է. կինը մեռաւ թէ չէ՝ ամեն բան ծախեց:

—Մենակ, այն էլ ոչ հարուստ մարդուն ինչի՞ր պէտքն են, Ելիզաւետա Բոգդանովնա, այն բոլոր բաները, որ անհրաժեշտ են ընտանիքի համար, սառնասրտութեամբ պատասխանեց Հեղինէն:

—Դուք հօ ամեն ինչ պատրաստ էք նորան պաշտպանելու համար, նկատեց այրին հեգնօրէն ծիծաղելով:

—Ձի լինի, երեք կին որ իրար պատահեցին, պէտք է լեզու-կռիւ բարձրացնեն. քանի շուտ փախչենք մեղքից այնքան լաւ է, տիկին Հեղինէ, ծիծաղելով արտասանեց Ասունին ցտեսութիւն ասելով տիկիններին:

—Դէ լաւ, գնացէք. գործից յետ չեմ գցի, քաղցրութեամբ ասաց Միհրանովնան:

—Ինչ թաքառուկ բան են գտել, գլխապատառ վազ են տալիս դիմաւորելու համար, յետևներիցը փնինթացրեց Եփեմիան:

— Միթէ՞ այդպիսի մի չնչին մարդ կարող է գրաւել Ելենա Պաւլովնայի սիրտը, սատանայաբար հարցրեց Միհրանովան։ Նկատեցի՞ք, նա քիչ էր մնում առանց մեզ բարեւելու անցնէր։

— Նորա ինչ միտքը կը գանք մենք, երբ որ ուշ ու միտքը ուրիշի հետ է։

Ելիզաւետա Բոգդանովնային էլ հէնց այդ էր պէտք. օրերով հաց ու ջուր չը տայիք, նոր լուրեր ու ասէկօսէներ հաղորդէիք. մանաւանդ որ Հեղինէին չէր սիրում և շատ ուրախ կը լինէր եթէ նորան բամբասելու համար նիւթ ունենար։

— Խեղճ Միխայիլ Պետրովիչ, նորա պէս մարդը շատ աւելի լաւ կին պէտք է ունենար։

— Ես էլ այդ եմ միշտ ասում։ Խեղճ եղբայրս որ բազդ ունենար՝ գորան չէր պատահի, հոգոց քաշելով ասաց Եփեմիան։ Որ իմանաք թէ ոնց է քրքրւում, սկի ասում է թէ ես ու Թամարն էլ Աստծու ստեղծած ենք։

— Մի՞թէ, ինչ էք ասում. ում մտքովը անց կը կենար այդպիսի բան։

— Մինչև այժմ լռում էի, բայց էլ չեմ կարողանում համբերել։ Ասենք այժմ էլ, թող լեզուս չորանայ, թէ մէկն ու մէկի մօտ խօսք բաց անեմ դրա մասին. բայց ձեզնից, մեր ընտանիքի բարերարից, այդ ընտանեկան ցաւալի զաղտնիքը ծածկել չեմ կարող։

Ապահով եղէք, Եփեմիա Պետրովնա, զաղտնիքը էլի զաղտնիք կը մնայ։ Ես միշտ սիրել ու յարգել եմ ձեր ընտանիքը։ Դուք այն ասէք ինձ, ձերոնք մօտի՛կ են այն օրիորդի հետ, հետաքրքրութեամբ հարցրեց Միհրանովան, նայելով Աննա Գուրգէնեանին։

— Այն որ Թումանի հետ գալիս է։

— Հա, նա։

— Ինչպէս չէ, մօտիկ ենք, նա մեզ ազգական է գալիս։ Ափսոս, լաւ աղջիկ էր քանի որ մայրը չէր մեռել, իսկ այժմ որ ընկել է այդ անգործի հետ՝ շատ է փախել։ Վերջը կարող է շատ վատ լինել. բայց գիտէ՞ք՝ Ուբարովը շուտ շուտ հարց ու փորձ է անում դորա մասին։

Միհրանովան, ձեւացրեց թէ զարմացաւ։

— Գիտեմ, գիտեմ, մոռածեց նա, ինձ էլ է թւում որ այդտեղ

մի բան պէտք է լինի. ես վաղուց եմ մի բան լսել, այժմ՝ ինչպէս ձերևում է՝ լսածս ճիշտ է դուրս գալիս:

Այդ մտածելիս՝ Միհրանովայի դէմքը փոխէ փոխ մէկ մտահոգ արտայայտութիւն էր ստանում, մէկ խորհրդաւոր կերպարանք:

—Դուք էլ առաջւան նման շուտ-շուտ չէք շնորհ բերում Ուրարովի տունը, կմկալով սկսեց Եփեմիան:

—Որովհետեւ համոզեցի, որ անօգուտ է իմ աշխատելս. ձեր քեռին շատ յամառ մարդ է, անկարելի է որ հաշտւի Միխայիլ Պետրովիչի հետ:

Եթէ Եփեմիան այդ ըրպէին նայէր Միհրանովայի երեսին, կը տեսնէր նորա դէմքի ուրախ արտայայտութիւնը և կը հասկանար որ նա դորա համար ոչ միայն դարդ չէր անում, այլ ընդհակառակը ուրախ էր որ Ուրարովը չի հաշտւում: Երևում էր որ նորա գլխում մի նոր միտք էր ծագել:

Այդ ժամանակ Թումանէն ու Գուրգէնեանը հասան նրանց մօտ, և՛ սառը գլուխ տալով՝ շարունակեցին իրանց ճանապարհը:

Մի քսան քայլ անցնելուց յետոյ օրիորդը կանգ առաւ մի խաշուածի առաջ:

—Այդ ինչի վերայ էք այդքան նայում:

—Տեսէք ինչ սիրուն բան է:

Դուք, օրիորդ, ինչպէս երևում է՝ սիրում էք շքեղ ու շուալ բաներ:

—Ինչ դուր է գալիս ամեն գեղեցիկ բան:

—Ուրեմն դուք ուրախութեամբ կը պսակէք այն մարդու հետ, որ ընտրել են ձեզ համար ձեր մօրաքոյրերը, ասաց Թումանէն քննական հայեացք գցելով նորա վերայ: Նա ինքը գեղեցիկ է և, բացի դրանից, կը շրջապատի ձեզ այնպիսի բաներով, որ ձեզ դուր են գալիս:

—Ա՛յ բան: Ուրեմն ձեր կարծիքով բաւական է տղամարդը գեղեցիկ լինի, որ աղջիկը համաձայնի իւր կեանքը կապել նորա կեանքի հետ: Զէ, սխալ էք. տղամարդը որ գեղեցիկ եղաւ և ուրիշ արժանաւորութիւններ չունեցաւ, դէն գցելու բան է:

Գուրգէնեանը մտերմաբար նայեց Թումանէին: Նրանք արդէն հասել էին տուն. օրիորդը զանգը խփեց ու հարցրեց.

—Զէ՞ք մտնի մեզ մօտ, ձեր սիրած եղանակները կ'ածեմ:

Թումանեւը ժպտաց ի նշան համաձայնութեան և ներս մտաւ:

— Ուրեմն դուք հաստատ վճռել էք որ չէք պսակւի այն մարդու հետ, դիմեց նա Աննային երբ որ մտան տուն:

— Ի՞նչ թերահաւատն էք, բացականչեց օրիորդը ձեռները իրար խփելով. Թումանս առաքելային էլ անցաք. հօ գիտէք թէ ինչքան անբաւականութիւններ եմ ունեցել այդ պատճառով մօրաքոյրերիս հետ. բայց չէ, էլի կասկածում էք, գիտէ՞ք, բարկացած աւելցրեց նա, որ վարժուհի դառնալուս գլխաւոր պատճառներից մէկը հէնց այն էր, որ ազատւեմ մօրաքոյրերիս լեզուից:

— Կը նշանակի վարժուհութիւնը ձեզ դուր չի գալիս:

— Ճիշտն ասած, քանի վարժուհի չէի եղել, վարժուհութիւնը ինձ աւելի հրապուրիչ էր թուում քան է իսկապէս: Ես չէի իմանում որ այդքան դժարութիւնների կը հանդիպեմ:

— Մի քիչ էլ համբերէք, ամեն բան կ'հեշտանայ:

Այդ ասելիս Թումանեւը այնպիսի դորովանքով նայեց օրիորդին, որ երկուսի սիրտն էլ սփոփւեց:

— Հը, 'Խաւթ Աբրամիչ, հանգստացա՞ք, թէ կասկածներդ դեռ էլի չեն փարատուել:

— Զէ, չէ, բոլորովին փարատուեցին, անսովոր աշխոյժով արտասանեց Թումանեւը և անգիտակցաբար բռնեց օրիորդի ձեռքը: Մի հարց էլ, Աննա Արտեմիւհնա, հօ՞ չէք բարկանալ:

— Զէ. ես ձեզ ամեն բան թոյլ եմ տալիս:

— Ուրեմն պատասխանեցէք ինձ, ինչպէ՞ս կը վերաբերւէիք դուք եթէ ձեր ձեռքը խնդրէր մի աղքատ, աննշան մարդ, բայց այնպիսի մարդ, որ... Թումանը կանգ առաւ, էլ չը կարողացաւ շարունակել:

Այդ առաջին անգամն էր, որ նա յայտնում էր իւր սէրը:

Օրիորդը կարմրեց և շփոթութիւնից, չիմանալով ինչ անի, մօտեցաւ դաշնամուրին ու մեքենայաբար սկսեց թերթել նոտաները:

Այդ բոպէին մնան սենեակը մօրաքոյրն ու երեխաները: Թումանը շփոթւեց, Աննայի վրայ աղերսող հայեացք գցեց, գլխարկը վերցրեց ու շտապելով դուրս եկաւ փողոցը: Նա այնքան տարւած էր իւր մտածմունքներով, որ հազիւ նկատեց Սահաւունուն ու Ասունուն, որոնք կառքը նստած սլացան նորա կողքով դէպի Ամիրանոյնների բնակարանը:

Իսկ Հեղինէն պատուհանի առաջ կանգնած ականջը սրած լսում էր կառքերի դղրդոցը:

— Վերջապէ՛ս, ուրախ-ուրախ բացականչեց նա և գնաց բնակարանի դուռը բանալու:

— Ձեմ կարող ասել որքան ուրախ եմ որ ձեզ տեսնում եմ, ուրախութիւնից պայծառացած երեսով դիմաւորեց նա Սահառունուն, պինդ սեղմելով նորան իւր ձեռքով, որ նա համբուրեց:

Ալեքսանդր Վասիլիչ, նեղութիւն կրէք զանգը խփել, պէտք է ասել որ ձեռաց սամովարը չենն, բայց կարելի է ղուք, Գէօրգի Ալեքսանդրովիչ, ուզէք մի բան ուտել թէյից առաջ:

— Պաա շնորհակալ եմ, տիկին Հեղինէ, ես արգէն ճաշել եմ, իսկ թէյ որ տաք, չէ չեմ ասի:

— Այս րոպէին ամեն բան պատարաստ կը լինի, ասաց Ասունին, վերադառնալով սեղանատնից և, ընկերաբար խփելով Սահառունու ուսին՝ աւելցրեց. հազիւ հազ վերադարձար, շատ էինք կարօտել քեզ:

— Այի մոքովս էլ չէր անցնում, որ կարօտ կը լինէիք ինձ, թէ չէ վաղուց վերադարձած կը լինէի, ծիծաղեց Սահառունին:

— Օյ, շատ խորամանկն էք, Գէօրգի Ալեքսանդրովիչ, ղուք այդ մեզնից էլ լաւ կիմանայիք, ասաց Հեղինէն մատը թափ տալով Սահառունու վրայ: Ձէ՛, Ալեքսանդր Վասիլիչ, ճիշտ չե՞մ ասում, որ չէր լինի որ չը մտաբերէինք Գէօրգի Ալեքսանդրովիչին:

— Որ այդպէս է, կը նշանակի ես իմ կարծածիցը աւելի բախտաւոր եմ եղել, ասաց Սահառունին երջանկութեան ժպիտն երեսին և նորա՝ երախտագիտութեամբ լի՝ հայեացքը՝ հանդիպեց Հեղինէի հայեացքին:

Այդ բարեկամական և ուրախ ողջոյնների ու հարց ու փորձի ժամանակ ներս մտաւ Ամիրանովը:

— Օհօ՛, գալուստդ բարի, Գէորգ, ինչ շատ ուշացար, բարեկամ, ասաց նա զրկելով Սահառունուն և սկզբում մի քիչ շփոթեց, կարծես իրան անհամապատասխան մարդկանց շրջան ընկնելով. բայց իբրեւ փորձեալ մարդ՝ երկար չը մնաց շփթեալ, շփոթութիւնը շուտով անցաւ:

Նորա գալուց յետոյ Հեղինէի տրամադրութիւնը վատացաւ: Թէյից յետոյ բոլորն էլ սըսկեցին:

—Այս ինչ կը նշանակի, պարոններ, բոլորդ էլ իրար երեսի էք մօտիկ անում, կարծես ինչ-որ գաղտնիք կայ ձեր մէջ որ ինձ չէք ուզում յայտնել, լուսթիւնը ընդհատեց Սահառունին:

Տեսնելով որ էլի ոչինչ չեն ասում, լսում են կամ թէ խօսում են, բայց էլի հարցին չեն պատասխանում, Սահառունին դիմեց տանտիկնոջը.

—Էլի ձեզ վրայ է յոսս, տիկին Հեղինէ, դուք ինձնից ոչինչ չէք ծածկի. դուք գիտէք որ ես աւելի լաւ եմ համարում իմանալ թէ ինչ է լինելու, թէկուզ այդ շատ ցաւալի բան լինի, քան թէ ոչինչ չ'իմանամ ու տանջւեմ հաղար ու մէկ կասկածներով:

Հեղինէն տեսաւ, որ չի կարելի էլ ծածկել, և ասաց.

—Հէնց այդ, էլ ուրիշ ոչինչ, հարցրեց Սահառունին բոլորովին սառնասրտութեամբ. Ես հէնց ինքս ինչքան ժամանակ է ուզում էի դուրս գամ ծառայութիւնից, բայց այսօր-վաղն էի գցում, և այժմ համարեա ուրախ եմ որ հանգամանքները իրանց-իրանց այդ հարցը միանգամից, թէև մի քիչ խիստ կերպով, վճռեցին ու ինձ ազատեցին ու ինձ ազատեցին տատանմունքներից:

Ասունին շատ էր աշխատում խօսակցութիւնը մտերմական դարձնել, բայց չէր յաջողում: Առանց այդ էլ նա անհամբերութիւնից չէր կարողանում այդ օրը մի տեղ երկար նստել, ուզում էր շուտով տանել Սահառունուն ընկերների մօտ, որոնց արդէն հաղորդել էր որ նա եկել է, բայց որ խօսակցութիւնն էլ սառն էր անցնում, այդ աւելի սաստկացրեց նորա անհամբերութիւնը. նորան սաստիկ ձանձրալի էր թւում այդ օրը Ամիրանովենց տանը և նա չը թողեց որ Սահառունին երկար նստի. տարաւ նորան Թոմաւէի տունը, ուր պէտք է հաւաքւէին նոցա բոլոր ընկերները Սահառունուն տեսնելու համար:

Աւելորդ է ասել, որ բոլորին էլ մեծ ուրախութիւն պատճառեց Գէորգի վերադարձը: Նա ընկերների վրայ մեծ բարոյական ազդեցութիւն ունէր: Բոլորի համար մի տեսակ պահանջ էր դարձել յայտնել իրանց սրտի գաղտնիքները, իրանց տանջող կասկածները Սահառունուն, սպասելով նորանից խելացի վճիռ կամ հոգեկան միջթարութիւն: Հասկանալի է թէ որքան զգալի պէտք է լինէր ընկերների համար նորա բացակայութիւնը: Բարեկամական գրկախառնութիւնից, համ-

բոյրներից ու կարճ հարց ու փորձից յետոյ, նրանք սկսեցին խօսել զանազան հատարական հարցերի մասին, ինչպէս միշտ՝ տաք-տաք յարձակում, պաշտպանում էին, վիճում էին ու համաձայնում:

Երբ որ բոլորը ցրւեցին և միայն Սահառունին, Թոմաւը, Ասունին ու Պետրոսեանցը մնացին, Սահառունին մտերմաբար հարցրեց նրանց.

— Դէ, հիմա ասէք տեսնենք, ինչպէս են ձեր մասնաւոր գործերը:

— Ոչինչ, կանք էլի՛, անհոգ կերպով ժպտալով ասաց Թոմաւը ու, սիգարը կպցնելով, փառաւորապէս մեկնեց բազմոցի վրայ:

— Այնպէս ես ասում, որ Գէորգը՝ ով գիտի՝ կարծի, թէ եթէ ոչ մինիտոր՝ գոնէ մինիստրի օգնական են նշանակել քեզ, նկատեց Ասունին: Լաիր, Գէորգ, տես ինչ հրաշքներ են պատահել քո բացակայութեան ժամանակ:

— Քիչ ու միչ գիտեմ. ինձ գրել էիք, որ Տիգրանը շատ տատանւելուց յետոյ վերջապէս ինչ որ կապալ է վերցրել:

— Էհ, ինչ արած, շատ նեղն էի ընկել, աղքատութիւնը մարդու շատ բան անել կը ապ, դառն ժպիտով ասաց Պետրոսեանցը:

— Իսկ իմ մեծապատուութիւնը, պատիւ ունիմ քեզ զեկուցանելու, Գէորգ, մնաց անգործ:

— Ինչպէս թէ անգործ, Դաւիթ, կատարկ ես անում:

— Դժբախտաբար ոչ, պատասխանեց Թոմաւը փոքր ինչ յուզւելով: Իմ կառավարած գործարանը այրւեց:

Այդ լուրը շատ վշտացրեց Սահառունուն:

Սկսեցին խելք խելքի տալ, թէ ինչ պարապմունք կարելի է գտնել Թոմասի համար, բայց ոչինչ եզրակացութեան չեկան:

— Էհ, բան չը կայ, պարոններ, ես էլի կսկսեմ մասնաւոր դասերով պարապել, թէեւ սկի սիրտ չունիմ տնից տուն քաշ գալու, իսկ յետոյ երևի մի պարապմունք կը գտնեմ, վճիռը տւեց Թոմաւը մնաւ բարեւ անելու ժամանակ:

Երբ որ նա մենակ մնաց իւր համարում, սաստիկ մտահոգութեան մէջ ընկաւ: Նա այնպիսի մարդկանցից էր, որոնք շատ քչերին են յայտնում իրանց գաղտնիքները և առհասարակ չեն սիրում շատ խօսել իրանց գործերի մասին: Այժմ մենակ որ մնաց, բոլորովին անձնատուր եղաւ իւր զգացմունքներին: Ճիշտ է, առաջ էլ

Թոմսեւը գոհ չէր իւր դրութիւնից, բայց նա երբէք չէր օրօրում իրան փալլուն յոյսերով, այլ համբերութեամբ և հանգիստ սրտով սպասում էր որ դրութիւնը լաւանայ և շատ քիչ էր մտածում իւր կարիքի մասին: Բայց վերջին մի քանի ամիսը փոփոխութիւն էր նկատուում Թոմսեւի մէջ. նա սաստիկ աշխատում էր ձեռք գցել մի գործարանի կառավարչի պաշտօնը. կարծես մի անսովոր բան նորան եռանդ էր ներշնչում. աշխատանքը զուր չ'անցաւ, բախտը ժպտաց նորան, բայց երեք ամիս չանցած, նորա յոյսերը օդը ցնդեցին: Պաշտօնից զրկելը ինքն ըստ ինքեան Թոմսեւին շատ վշտացնել չէր կարող, բայց ցաւը նորանումն էր, որ պաշտօնը կապ ունէր նորա սրտի ամենաջերմ փափագի հետ: Զրկելով ապրուստի միջոցներից, նա զրկւում էր Աննա Գուրգենեանին իւր կինը անւանելու հնարաւորութիւնից, իսկ այդ մեծ ցաւ էր պատճառում նորա սրտին:

— Ինձ համար ոչինչ, ես կը սպասէի, բայց նա...

— Աննան ամեն կողմից հիանալի աղջիկ է, բայց դեռ ջահել է և չափազանց բարի ու զիջող. վախենում եմ յանկարծ մի ուրիշով գրաւի և այն ժամանակ ով գիտի ինչ ուղղութիւն կը ստանան նորա մտքերն ու հակումները, մտածում էր Թոմսեւը: Ափսոս, հազար ափսոս, որ դեռ բնաւորութիւնը չի կազմակերպւել: Այդպէս է լինում միշտ՝ ով որ մանկութիւնից խելացի և անյողդողդ ղեկավար չի ունեցել, շատ շուտ է ընկնում ուրիշի ազդեցութեան տակ:

Միտս է, թէ որքան ժամանակ նա պատկառանքով էր վերաբերում Մարիա Միհրանովային, որից բարեբախտաբար մի բանում է միայն օրինակ վերցրել—սէր դէպի ուսումը: Միհրանովայից յետոյ Կատեա Սահառունին իւր ազդեցութեան տակ գցեց Աննային. գրքերն ու երաժշտութիւնը քիչ քիչ մոռացութեան տրեցին. այժմ՝ ինչպէս երևում է՝ տիկին Հեղինէի ազդեցութեան տակն է ընկել: Յետոյ ով գիտի ինչ կարող է պատահել: Մի բան միայն կարելի է հաստատ ասել, որ բնատուր բոլոր յատկութիւնները լաւ են և արատ ասած բանը նորան մինչև այժմ չի դիպել և չի էլ դիպչի:

Վերջապէս այս էլ պէտք է իմանալ, արդեօք նա ինձ այնքան սիրում է, որ համաձայնի կինս դառնալ: Ինչ թւում է, որ նա դէպի ինձ լոկ բարեկամական սէր է զգում: Զէ, աւելի լաւ է սպասեմ, եթէ առաջարկեմ ու մերժի՝ դարդիցս գլուխս կը կորցնեմ:

Այսպէս երկար ժամանակ մտառանջուում էր Թումաեւը մինչեւ որ վերջապէս քունը փակեց նորա աչքերը:

VI

Միւս առաւօտ, դեռ Թումաեւը տեղիցը չէր վեր կացել, Պետրոսեանցը թխթխկացրեց նորա համարի դուռը: Խօսք ընկաւ Աննա Գուրգէնեանի մասին:

— Լսի, բարեկամ, քաղաքում շատ անախորժ լուրեր են տարածւել քո ու Աննայի մէջ եղած մօտ յարաբերութիւնների մասին. գուցէ պէտք է վերջ տաս այդ ասէկօսէներին:

Թումաեւը մի քիչ կարմրեց, ուզում էր պատասխանել, բայց Պետրոսեանցը չը թողեց որ խօսի:

— Եթէ նա քիչ դուր է գալիս, ինչու չես պահւում, մանաւանդ որ նա էլ՝ ինչպէս երեւում է՝ ուրախութեամբ կը համաձայնի:

— Ինչո՞ւ որ լինի, ես հէնց այս րոպէին կերթամ սւ առաջարկութիւն կոնեմ. բայց ինքդ դատիր, Տիգրան, կարող եմ միթէ այդ անել, խորհուրդ կը տա՞ս:

Պետրոսեանցը սաստիկ մտահոգութեան մէջ ընկաւ:

— Ուրեմն փողի պակասութիւնն է արգելքը, յանկարծ բացականչեց նա մատը բութարցանելով վերեւ: Ե՛հ, դատարկ բան է... եթէ դու չունիս, նա կունենայ: Առ այժմ մի հարցրու, յետոյ կիմանաս թէ որտեղից ունի:

— Ես ոչինչ չեմ հարցնի. բայց ինձ համար անտանելի կը լինի կնոջս փողով ապրելը: Դու լաւ գիտես, Տիգրան, ես այն իդէալիստներիցը չեմ, որոնք դիտմամբ աղքատ նշանած են փնտրում. ընդհակառակը լաւ աղջկայ վրայ որ բաժինք էլ լինի՝ աւելի լաւ, բայց... չէ որ մարդն էլ մի բան պէտք է ունենայ... կինը հօ չը պէտք է մարդուն պահի... Ա՛յ, սպասիր...

Պետրոսեանցի խիտ յօնքերը կիտւեցին:

— Որ այդպէս է, յարաբերութիւններդ բոլորովին կտրի Գուրգէնեանի հետ, թէ չէ նորա անունը կը կոտրւի: Մէկ մտածիր, թէ երբ աղջկայ անունն էլ որ արտաւորւեց, խեղճին էլ ինչ կը մնայ, բարկացած աւելցրեց նա:

— Ի՞նչ, ի՞նչ... Ով կը համարձակւի ասել թէ նա անարատ չէ, տաքացաւ Թովանը և նորա սովորաբար հանգիստ դէմքի վրայ երևաց զայրոյթի արտայայտութիւն:

— Ի հարկէ ոչ ես և ոչ քո ուրիշ ընկերները...

— Ես ամենքին կ'ապացուցանեմ, որ մեր յարաբերութիւնները ամենամաքուր և...

— Սո՛ւս, սո՛ւս... այնպէս ես խօսում, կարծես թունգ եւրոպացի լինես ու մեր կողմերը այս քանի օրս եկած լինես: Մի մոռանալ, եղբայր, որ մենք Ասիայումն ենք, Թ-սումն ենք, ուր մի քանի տարի առաջ աղջիկներին իրաւունք չէին տալիս մինչև անգամ խօսել տղամարդու հետ: Դէ, այժմ մնաս բարով, Դաւիթ, խորհուրդ եմ տալիս քեզ լաւ մտածել այդ հարցի մասին:

— Կաց, ո՛ւր ես շտապում:

— Աւանց այն էլ ուշացել եմ, պէտք է երթամ Ուբարովի մօտ, ուղարկել էր ինձ կանչելու:

— Միթէ ճիշտ է Տիգրանի ասածը, միթէ իմ պատճառով խեղճ աղջիկը բամբասանքի առարկայ է դարձել: Զէ, ես այդ տանել չեմ կարող, մտածում էր Թովանը սաստիկ յուզւած և այդպիսի մտատանջութեան մէջ մնաց տանը մինչև երեկոյ:

— Ահա իմ վճիռը. ես այժմ կերթամ Նուխի ծնողներին մօտ. այնտեղ գուցէ գործ գտնեմ. աշունքը կը վերադառնամ և այն ժամանակ յուսով եմ... նա իմն կը լինի...

Այդ մտածմունքի մէջ Թովանը վեր կացաւ տեղից, դուրս եկաւ տանից ու գնաց Գուրգէնեանի մօտ իւր մտադրութիւնը նորան յայտնելու: Նա երեխաների հետ նստած թէյ էր խմում երբ օր ներս մտաւ Թովանը: Խեղճ աղջկայ վրայ շատ ծանր տպաւորութիւն թողեց Թովանի յայտնած լուրը. երեխաների թոթովանքն ու գուրգուրանքն էլ այս անգամ չը կարողացան փարատել Աննայի վիշտը: Թովանը լուռ նստած հիանում էր նայելով թէ որքան համբերութեամբ ու քնքշութեամբ է վարում Աննան փոքրիկ եղբայրների ու քույրերի հետ:

Օրիորդը երեխաներին տախաւ, համբուրեց, բարի գիշեր ասաց, քուն դրեց ու վերադարձաւ Թովանի մօտ:

Կարող եմ յուսալ, օրիորդ, որ դուք ինձ չէք մոռանալ, հարցրեց Թովանը մնաս բարեւ անելիս:

— Ի հարկէ, ի հարկէ, վճռական կերպով պատասխանեց Գուրգէնեանը զգացւած սեղմելով նորա ձեռքը՝
Երկուն էլ տխուր էին։

Իսկ Պետրոսեանցը Քոմաեի մօտից գնաց Ուբարովի տունը։

— Մօտեցէք ինձ, մօտ եկէք, Տիգրան Աւետիշ, խորհրդաւոր ձայնով մօտ կանչեց հիւանդը։ Լաւ կը լինէր որ մեզ մենակ թողնէին։ Եփեմիան, Քամարն ու կիսակոյր պառաւը տեղներիցը վեր կացան ու դուրս գնացին։

— Դուք մի օր մի խօսք թուցրեցիք իմ աղջկայ մասին, սկսեց Ուբարովը դժւարութեամբ շունչ քաշելով։ Մինչև այժմ սկի միտքս չէր գալիս նա, սկի հոգս չէի տանում թէ կենդանի է նա թէ մեռած։ ամէն մարդ իրաւունք ունի ինձ մեղադրելու, ասելու որ ես քարասիրտ, անհոգի մարդ եմ։ Բայց այժմ չեմ իմանում ինչ է պատահել, ինչ է պատահել ինձ, մի տնդիմադրելի ոյժ կարծես ինձ ձգում քաշում է դէպի այդ երեխան։ Ինձ ամեն բոլէթում է, թէ երկնքից մի ձայն ինձնից հաշիւ է պահանջում իմ անատակութեան մէջ անցրած երիտասարդութեանս համար։ Խղճի խայթոցները ամեն բոլէ աւելի ու աւելի սաստիկ են տանջում ինձ։ Դուք մօտ ծանօթ էիք այն թշուառ կնոջ հետ. ասէք խնդրեմ ինչ եղաւ աղջիկը նորա մեռնելուց յետոյ, աղաչելով արտասանեց Ուբարովը և նորա մռայլ դէմքը մեղմ արտայայտութիւն ստացաւ։

Պետրոսեանցը շփոթւած նայում էր հիւանդի վրայ, որ՝ ջգածըգաբար բռնելով նորա ձեռքը՝ հազիւ լսելի ձայնով հարցրեց.

— Մի ժամանակ լսեցի որ երեխային իւր մօտ էր վերցրել հանգուցեալի բարեկամուհի Գուրգէնեանը, բայց այն ժամանակ ուշադրութիւն չը դարձրեցի այդ բանի վրայ, ասէք խնդրեմ՝ ճիշտ է այդ։

Պետրոսեանցը կարեկցաբար նայելով հիւանդի վշտատանջ երեսին, գլխով դրական նշան արեց և, կռանալով նորա անկողնի վրայ, շնչաց.

— Հանգստացէք, ի սէր Աստուծոյ. Գուրգէնեանները որդեգրեցին ձեր աղջկանը և հօր ու մօրից աւելի շատ էին սիրում ու զգում նորան։

Աստուած: լուսաւորի նրանց հոգին, արուսասանեց Ուրարովը զգացւած սրտով: Տիգրան Աւետիչ, կատարեցէք իմ խնդիրքը, բերէք ինձ մօտ իմ աղջկան, թող մի նայեմ նորա վրայ ու յետոյ յաւիտեանս փակեմ աչքերս. ես գիտեմ՝ էլ շատ չեմ ապրելու:

— Հանգուցեալը ինձ ու իւր բարեկամուհուն խնդրեց, որ աղջկան չը յայտնենք իւր ծագման գաղտնիքը: Վախենում եմ չը կարողանաք ձեզ զսպել ու բացէք նորա մօտ, անհանգստութեամբ պատասխանեց Պետրոսեանցը: Խեղճը առանց այն էլ շատ դարդ է տեսել, չարժի նոր վէրքեր էլ աւելցնել խոցոտւած սրտին:

— Զէ, չէ, ապահով կացէք, նա ոչինչ չի իմանայ. ես այդ գաղտնիքը ինձ հետ գերեզման կը տանեմ:

Այդ բոպէին դուռը կամաց ճռուաց:

— Ո՞ր է:

— Միքայէլը, իմանալով որ դուք թոյլ էք տւել, եկել է ձեզ տեսնելու, անվճռական ձայնով ասաց Քամարը:

— Զի ուզի, յետոյ զղջացի որ թոյլ տւեցի, թող կորչի, զգւանքով փնփնթաց հիւանդը:

Ախ, ստոր արարած, որ թողնես ամենքի առաջին կը սողայ, ասները կը լիզի: Մի քիչ առաջ, ուր պատահէր, ինձ հայհոյում էր...

Այդ ցիշողութիւնը հիւանդի դեղնած երեսը ծամածռեց դառն ծաղրի արտայայտութեամբ. այն է՝ պէտք է հայհոյանքների դուռը բաց անէր, բայց Պետրոսեանցը հանգստացրեց նորան:

— Այս երեկոյ կը բերեմ ձեզ մօտ ձեր աղջկան:

— Օհ, որքան շնորհակալ կը լինեմ ձեզնից: Ես արժանի չեմ այդ երջանկութեան: Հա՛, արժանի չեմ, ես անտէր անխնամ թողեցի խեղճ երեխային: Ես դարձայ նորա մօր — այն քնքոյշ և բարի էակի դահիճը:

Հիւանդի դէմքի վերայ երևաց տանջանքի և զղջման արտայայտութիւն: Մի քիչ հանգստանալուց յետոյ նա ասաց.

— Ես իմ բոլոր ունեցածս կը թողնեմ աղջկանս, Գուրգէնեանի երեխաներին և թեմական դպրանոցին:

Պետրոսեանցի ուրախութեանը չափ չը կար. էլ չը համբերեց ու իսկոյն դուրս եկաւ ընկերներին աչքալուսանք տալու:

Տասը րոպէ անցած Տիգրանը արդէն Սահառունու սենեակումն էր, բայց նա տանը էր, այն օրը Ամիրանովենց տանն էր ճաշին:

Սահառունին հէնց իւր վերադարձի առաջին օրը նկատեց, որ Ամիրանովի ու կնոջ յարաբերութիւնները շատ լարւած են: Հետեւեալ օրերը նա աւելի հաստատ համոզւեց որ իւր ենթադրութիւնը ճիշդ է, մարդ ու կին լաւ չեն իրար հետ. բացի դրանից նա տեսնում էր, որ քանի գնում է՝ Հեղինէն աւելի տաքանում է իւր վրայ, իսկ Ամիրանովը ընդհակառակը աւելի հակակրութեամբ է սկսում վերաբերել, — և վճռեց որքան կարելի է շուտով հեռանալ Թ.-սից ու իրագործել իւր արտասահման գնալու դիտաւորութիւնը:

— Միայն Հեղինէն է ինձ կապում Թ.-սի հետ. ձիշտ է, շատ զօրաւոր է այդ ձգողական ոյժը, բայց այնու ամենայնիւ ես պէտք է հեռանամ այստեղից:

Նրջապատող կեանքը օրէցօր աւելի էր զգւեցնում Սահառունուն, և քանի գնում աւելի սաստկանում էր նորա փափաղը՝ զնալ արտասահման, վերադառնալ լուրջ պատրաստականութեամբ և անձնատուր լինել նոր գործունէութեան: Նա գիտէր, որ նոր ասպարիզում շատ դժւարութիւնների կը հանդիպի, բայց իրան մէջ բաւականաչափ ոյժ և երիտասարդական եռանդ էր զգում բոլոր արգելքները յաղթելու համար:

Հեղինէի յղիութիւնը և մի քանի տնային գործեր, որ պէտք էր կարգի բերել, ստիպեցին Սահառունուն աւ ժամանակ յետաձգել իւր աբտասահման գնալը:

— Ուլ գիտի, ինչ կարող է զալ խեղճի գլխին, ինչ հիւանդութիւն կը քաշի ազատելիս, մտածում էր Սահառունին և սիրտը դողում էր, ակամայ մտաբերելով կնոջը:

Որքան աշխատում էր հեռացնել գլխից այդ չարագուշակ միտքը՝ էէր լինում, միշտ պտտւում էր գլխում և մորմոքում սիրտը: Այնուամենայնիւ նա խուսափում էր իւր սիրած Հեղինէից ու աշխատում էր չը պատահել նորա հետ:

— Ինչ է պատահել, Պէօրգի Ալեքսանդրովիչը ոկի չի երևում, ի՞նչ է անում, հարցրեց մի օր Հեղինէն Ասունուց:

— Եհ, էլ մի ասէք, տիկին Հեղինէ, ինձ աւելի լաւ է չը խօսեցնէք, անհամբերութեամբ թափ տւեց ձեռքը Ասունին:

—Ինչքան ուզում էք բոլորդ հայհոյէք նորան, բայց ես էլի կասեմ, որ նա հիանալի մարդ է, ողևորւած ասաց շեղինէն և նկատեց որ Ասունին կասկածաւոր հայեացքով նայում է իրան:

—Ճիշտ է, բայց ափսոս որ նա մի քանի դէպքերում չի ուզում հասկանալ, որ մի ծաղկով գարուն չի գալ, մի զինւոր մենակ պատերազմի դաշտ չի կարող դուրս գալ:

—Բայց, Ալեքսանդր Վասիլիչ, տաքացած ընդհատեց նորա խօսքը շեղինէն, թէեւ այդ ամենքի սիրած ու տեղի անտեղի կրկնւող ֆրազան, որ մի կերպ արդարացնում է առաջաւոր մարդկանց, մասամբ ճիշդ է, սակայն պէտք է այն էլ աւելցնել, որ այդ միակ զինւորը ազդում է հազարաւոր վախկոտների վրայ և ներշնչում է նրանց այն ներքին կրակը, որով վառւում է իւր հոգին:

—Ասենք թէ ձեր ասածը ճիշտ է, տիկին շեղինէ, բայց չէ որ մարդ պէտք է մի քիչ էլ իւր վրայ մտածի: Ծերացել է, քիչ է մնում մազերը սպիտակեն, բայց էլի չի հանգստանում, նոր-նոր ծրագիրներ է կազմում ու այդ ծրագիրները իրագործելու համար ուզում է այս քանի օրս արաստահման գնալ: Ասել եմ ու միշտ կասեմ, ցնորամիտ էր և միշտ ցնորամիտ կը մնայ:

—Հապա ինչու մեղ չէր ասում իւր մտաւորութեան մասին, հարցրեց շեղինէն այլապէս չէր զէմքով և ընկաւ մտքի հետ:

Մի րոպէ անցած նա բարձրացրեց աչքերը և վստահութեամբ լի հայեացքով նայեց Ասունուն: Նա համակրում էր նորան իբրև Սահաւունու ամենամոտերիմ բարեկամին:

—Էյ, Ֆայսուն, մտքամոլոր բացականչեց Ասունին դուրս գալով Ամիրանովենց տանից:

Երբ որ նա նստում էր կառքը, նորա կողքովն անցան Աննա Գուրգէնեանը, Պետրոսիանցը ու ինչ-որ մի պառաւ կին:

Ասունին այնքան մոլորւած էր. մտածելով շեղինէի դրութեան մասին, որ հազիւ պատասխանեց նրանց սիրալիի ողջոյնին ու առանց մի խօսք ասելու՝ սլացաւ կառքով:

—Այսօր Ալեքսանդր Վասիլիչը մի տեսակ էր, չէ՞ք իմանում ի՞նչ է պատահել, հարցրեց օրիորդը Պետրոսեանցին:

—Զրգիտեմ, խա՛ւր, ես ո՛րինչ չը նկատեցի: Դուք այն ասէք, Աննա Արտեմիւհնա, էլի վախենում էք Ուրարովից:

— Հա, վախենում եմ, բայց միևնույն ժամանակը սաստիկ խղճում եմ նորան: Ես երբէք չեմ մոռանայ, Տիգրան Ա. ետիչ, մեր տւաջին տեսակցութիւնը. նա ցնորւածի նման էր նայում ինձ վրայ: Երկրորդ անգամ այնքան տարօրինակ չը թւաց ինձ, որ մի ժամանակ սաստիկ վիրաւորել է իմ ծնողներին և ուզում է ինձնից, իբրև նրանց անդրանիկ զաւակից, ներողութիւն խնդրել այդ վիրաւորանքի համար:

Այսպէս խօսելով նրանք հասան Ուբարովի տունը և մոտան հիւանդի սենեակը:

— Միս, Աստուած իմ, որքան նման է Վարիային, կարծես ինքը կենդանի կանգնած լինի այստեղ, բացականչեց Ուբարովը սրտաճմլիկ ձայնով և ձեռները մեկնեց դէպի նա:

Աննան վախիցը յետ-յետ քաշւեց:

Պետրոսեանցը շփոթւած մէկ՝ մէկին էր նայում, մէկ՝ միւսին: Նա բոլորովին մոլորւել էր, չէր իմանում ինչ անի:

— Մօտ արի ինձ, որդիս, մի վախենայ ինձանից: Դու ամեն բան ներեցիր ինձ, չէ՞, ներեցիր: Ուրեմն համբուրիր ինձ, որդիս, և թող այդ համբուրը մեր բարեկամութեան գրաւական լինի:

— Ես ուրախութեամբ կը կատարեմ ձեր խնդիրքը, եթէ այդ կարող է ձեզ հանգստացնել, պատասխանեց Աննան դեռ ևս վախ-վրխելով:

— Մի, որդեակս, դուրս թռաւ Ուբարովի կրծքից և նա ջղաձրգաբար գրկեց Աննային:

Նա կաթւածահար եղաւ: Բոլորը իրար գլխով դիպան: Եփեմիան ու Թամարը մի ակնթարթում բուսան իրանց քեռու կողքին:

— Դուք էք պատճառը, դուք. մէկ էլ ոտներդ չը դնէք մեր շեմքը, բարկացած յարձակեց Աննայի վրայ այրին և համարեա դուրս հրեց նորան սենեակից:

Խեղճ աղջիկը երկար ժամանակ չէր կարողանում ազատւել այդ անբացատրելի և սարսափելի դէպքերի ծանր տպաւորութիւնից:

— Տէր Աստուած, ի՞նչ կը նշանակի այս բոլորը: Զէ՛, ինչ ուզում են ասեն, չա ցնորւած է: Կամ թէ մի բան կայ այդտեղ, թէ չէ ինչու յիշտք է Պետրոսեանցը խնդրէր, թախանձէր, որ ոչ ոքի ոչինչ չ'ասեմ, տար ու բերում էր Աննան մտաւանջւելով և զանազան բացատրութիւններ տալով տարօրինակ դէպքերին:

Դրանից յետոյ Աննան էլ չը տեսնուեց Ուրարովի հետ և քիչ-քիչ դադարեց նորա վրայ մտածելուց և այդպիսով սկսեց աղատուել նորա հետ կապած ծանր քիչողութիւնների ազդեցութիւնից:

VII

Մի առիւտ անցած Հեղինէն տղայ բերեց. էլ ասել չի լինի թէ որքան ուրախ էր նա: Թող, դողդոջուն ձեռներով սեղմեց նա կուրծքին իւր առջնեկին և դրօշմեց նորա երեսին իւր առջին մայրական համբոյրը. — այդ փոքրիկ էակի վրայ էր դնում նա իւր ապագայ բախտաւորութեան յոյսը:

Ամիրանովը, որ առաջին ամբողջ շաբաթը համարեա չէր հեռանում հնոջ մօտից, պէտք է շատ կարևոր և անյետաձգելի գործով առժամանակ հեռանար Թ-սից: Հաւատացած լինելով որ էլ վախճանալու բան չը կայ, ապահոված Հեղինէի առողջութեան վերաբերմամբ, նա գնաց թողնելով հնոջը իւր մեծ քրոջ իննամբին: Եփեմիան հէնց Հեղինէի աղատուելու օրից նրանց տանն էր կենում և իւր անհամ գգւանքներով ու աւելորդ հոգատարութեամբ հարսի գլուխը տանում էր: Բայց եղբօր գնալուց յետոյ նա էլ աւելորդ էր համարում այդքան եռանդ և սրտացաւութիւն ցոյց տալ գէսի ծննդկանը, և շուտ շուտ ուղարկում էր կամ Թամարին կամ մօրաքրոջը կանչելու որ իրան օգնեն:

— Ի՞նչ պտուղն ես, մի անգամ յարձակեց նա քրոջ վրայ, սկի մի կասես թէ գնամ քրոջս մի քիչ օգնեմ: Հոգիս դուրս եկաւ երեխային պահելով. այն էլ՝ երանի գիտենայի որ երախտիքս կը չիշեն. բայց ինչ, հէնց որ ամեն բան պրծաւ, սկի ասող չի լինելու, թէ, Եփեմիա, դու էլ կաս աշխարհիս երեսին:

— Որ այդպէս է, հապա ինչու էիր կրակ կտրել քանի որ Միքայէլը այստեղ էր, ու ոչ ոքի չէիր թողնում որ հարսին մօտենայ, չարացած փնթփնթացրեց Թամարը:

— Ի՞նչ, ի՞նչ: Զի՞ լինի մի փայտ վերցնես ու ինձ ծեծես: Սորան նայէք: Լա՛ւ, կաց, ես քո օգտիցը կը գամ, որ իմանաս թէ ինչ կը նշանակի լեզուն երկու գազ երկարացնել:

— Լաւ, լաւ, էլ ինչո՞ւ ես բարկանում, վախենալով ասաց Թա-

մարը: Դու ինձ ասացիր, որ քեռու մօտ մնամ ու սկի չը հեռանամ նորանից, ես էլ...

— Աշխարհքի բաներն այդպէս են. ուտացրու, հագցրու, գիշեր ցերեկ հանգիստ մի ունենայ, պատէպաւո յիպիր մարդու տալու համար ու յետոյ էլ շնորհակալութեան տեղակ նախադիւնքներ լսիր:

— Հէրիք է, Եփեմիա ջան, ես որ իմանայի թէ կը նեղանաս, լեզուս կը պապանձւէր ու ձայն չէի հանիլ...

— Այ այդպէս... Կտրեց նորա խօսքը մեծ քոյրը մի քիչ ժեղմանալով: Դէ հիմի մանրամասն պատմիր թէ իմ բացակայութեան ժամանակ ինչ է եղել, ինչ չի եղել քեռոնց տանը:

Երկուսով մօտ կէս ժամ քչփչում էին: Եփեմիան՝ ինչպէս երևում էր՝ գոհ մնաց քորջ պատմածից:

— Դիտես ինչ կայ, Թամար ջան: Մի այնպէս փեսացու եմ գտել, այնպէս փեսացու, որ էլ ինչ ասեմ. ինչ որ ձեռքիս ճար կայ գործ կը դնեմ որ նորա ոտը կապեմ... ա՛յ, թէ որ քեռին քեզ բաժինք տայ, հէնց իմացիր եկեղեցում փեսայի հետ կանգնած ես:

Երկուսն էլ լռեցին:

— Գնա, մի քիչ հանգստացիր, Եփեմիա ջան, շողոքորթաբար ասաց Թամարը: Ապահով կաց, ես ամեն բանի մոիկ կը տամ:

Մենակ որ մնաց Թամարը, ընկաւ քաղցր ցնորքների մէջ:

— Դիտեմ ում համար էր ասում քոյրս. այս քանի օրս մօրաքորջս մօտ էր. լաւ մարդ է, սիրուն, աեսքով: Ա՛խ, մի...

Հեղինէի ձայնը ընդհատեց խեղճի քաղցր ցնորքները. նա իսկոյն վազեց հարսի սենեակը:

— Ա՛խ, Թամար ջան, դու այստեղ ես, ուրախ-ուրախ դիմեց նորան Հեղինէն ու ժեկնեց ձեռքը: Դու կը սիրես եղբօրդդուդ, չէ՞:

— Ի հարկէ, ես որ չը սիրեմ, էլ ով պէտք է սիրի, անսովոր քնքշութեամբ արտասանեց Թամարն ու համբուրեց երեխային:

Կարծես Թամարի սառնութիւնն ու կասկածոտութիւնը վերջապէս չաղթւեցին Հեղինէի մշտական զգւանքներից ու անկեղծ սրտացաւութիւնից:

Թամարը միշտ զգում էր որ Հեղինէն բարձր է բոլոր իւր շրջապատողներից և որ Հեղինէի ներկայութեամբ ինքը կարծես փոխւում է, մի տեսակ բարոյական փոփոխութիւն է կատարւում մէջը:

միւս կողմից նա գտնուում էր Միքայելի ու Նփեմիայի աղղեցութեան տակ. այդ պատճառով նա շատ անգամ զգում էր խառն, մասամբ և տանջող զգացմունքներ:

Մօտ մի շաբաթ էր անցել այն օրից, երբ Թամարը յանձն էր առել Հեղինէին ու երեխային պահելու բոլոր հոգսերը. վերջապէս եօթներորդ օրը Նփեմիան քրոջը կանչեց իւր մօտ և ականջին ասաց.

— Իէ, հիմի գնա քեռու մօտ: Ինչպէս ասած, հիմի էլ հիւանդը իւր կամքը յայտնել չի կարող: Սա ամեն հնարք գործ եմ դրել, ինչ որ պէտք է կարգադրել եմ. ոչ ոք քեռու երեսը չի տեսնի, մինչև անգամ Նիղաւետա Բողոքանովնան. ասենք քեռին ինքն էլ ինչքան ժամանակ է չի ուզում նորան տուն թողնել: Շան պառաւը գլխի է ընկել թէ բանն ինչու՞ն է ու ուզում է տղային այն անիծած աղջկայ վրայ նշան դնել:

— Դիտեմ, գիտեմ, էլի ես ասել ինձ այդ բանը:

— Տես, Թամար, զգոյշ եղի՛ր մանաւանդ գէպի Պետրոսեանցը, ասա որ բժիշկները սաստիկ արգելել են, պատւիրել են ոչ ոքի չը թողնել հիւանդի մօտ:

— Դիտեմ, գիտեմ, պատասխանեց Թամարը գլխաշորը կապելով և տխուր սրտով դուրս եկաւ հարսի տանից, ուր մի քանի օր խաղաղ ու բարոյապէս հանգիստ կեանք էր վարել, որ շատ քիչ էր պատահում:

Մի ժամ անցած, լուեց Հեղինէի ձայնը: Քնից զարթնել էր:

— Թամար ջան, կարծեմ երեխայի լողացնելու ժամանակն է:

— Հանգիստ կացէք, մենք այս րոպէիս կը կարգադրենք, ձայն տւեցին Նփեմիան ու մօրաքոյրը:

— Օ՛Ֆ, Տէր Աստուած, էլի եկել են, զայրացած մտածեց Հեղինէն ու երեսը շուռ տւեց միւս կողմը:

Նփեմիայից ազատուելու համար նա շատ անգամ մի անմեղ խորամանկ միջոց էր գործ դնում, — աչքերը փակում էր ու քնած էր ձեւանում:

Նփեմիայի ու մօրաքրոջ սիրտը նշղանում էր կիսամութ ննջարանում, ուր ծննդկանին չը զարթեցնելու համար ստիպւած էին քչփշալ. նրանք շուտ-շուտ դուրս էին գալիս գնում կողքի սենեակը և, իբր Հեղինէի հանգստութեան համար, երրեմե երեխային էլ էին հեռաները դուրս տանում:

—Ինչ չար երեխայ է, ինչ անուժ հմ չի քնում, ո՛ւմ է գցել. Միքայելս երեխայ ժամանակ կարծես Աստու գառը լինէր, ասում էր մօրաքոյրը երեխային բարուրելով:

—Ինչ ես հարցնում, կարծես չես իմանում. էլ ում պէտք է զցած լինի, գալլը գառ հօ չի ծնի, բարկացած վրայ բերեց Եփեման: Ձայնին նայի, ձայնին, ինքը մի մառնոցի չափ չը կայ—ճւղցը երկինք է հասնում: Ինչ ես մոիկ անում, կապի:

—Իայեակն ո՛ւր է:

—Ինչ անիծած կին է, տեղ ուղարկել չի լինում. այն գնալն է որ գնում է, դու հա սպասի որ պէտք է գալ: Մի քիչ կենաս այստեղ, մօրաքոյր ջան, ես մի ժամով պէտք է մի սեղ գնամ:

Հէնց որ Եփեմիան ղլխաշոբը վեր առաւ որ կապի, սաստիկ դանգահարութեան ձայն լսեց:

—Հէնց իմանաս Հեղինէն է կանչում, միաբերան տասցին Եփեմիան ու մօրաքոյրը և շարած իրար երեսի նայեցին:

—Ինչ էք ուզում, հարսի ջան, քաղցրութեամբ հարցրեց Եփեմիան, մօտենալով ծննդկանի մահճակալին:

—Երեխային այս սենեակից դուրս մի տանէք ու խնդրեմ ասէք դայեակին որ նա երեխայից ամենևին չը հեռանայ:

—Հոգիս, ինչու էք զուր անհանգստանում, հազիւ հաղ եմ մի եղբորորդի ունեցել, որ դայեակի ումիկին թողնեմ. օտար կնկայ սիրտը ինչ կը ցուի երեխայի վերայ. հաղար ու մի փորձանք կայ. նա հօ ուրիշի երեխայի համար իւր քնից չի զրկւի. բան է մէկ էլ տեսար ննջաց ու իմ սիրուն հրեշտակին գրկիցը վայր գցեց. այն ժամանակ եղբորս ինչ պատասխան տալ, գլուխս որ քարովը խփեմ:

—Թէ Աստուած կը սիրէք, գնացէք ձեր տունը, հանգստացէք, նեղութիւն մի կրէք, ես համարեա առողջ եմ ալժմ:

—Ինչ էք ասում, Հեղինէ ջան, միթէ ես կարող եմ ձեզ այդ գրութեան մէջ մենակ թողնել:

Հեղինէն էլ բան չասաց, լսեց ու երեսը շուռ տւեց միւս կողմը:

Միւս օրը ճաշից յետոյ Հեղինէն ննջից վեր թոռաւ ինչ-որ մի թրըխկոցից. կարծես մի բան վայր ընկաւ. խեղճ մօր սրտի նախազգացումը սուտ դուրս չեկաւ, երեխան վայր էր ընկել դայեակի գրկից: Հեղինէն, կարծելով թէ երեխան մեռաւ, լեղապատառ ճշաց

և ցնորաժի պէս դուրս թռաւ անկողնից ու բարձրացրեց գրկեց երեխային. բայց չը կարողացաւ այդ անգին բեռը մահճակալին հասցնել, սաստիկ երկիւղից ու ժառպառ լինելով՝ կիսաճանապարհին վայր ընկաւ գետին՝ պինդ սեղմած գրկումը իւր սիրելի երեխային: Այդ բոլորը այնպէս արագ կատարուեց, որ դայեակը, քնից վեր թռչելով, չէր կարողանում զլուխ հանել թէ բանն ինչու՞ն է ու մի քիչ շարած կանգնելուց յետոյ՝ գնաց Եփեմիային կանչելու:

Նոյն գիշերը Հեղինէն սկսեց սաստիկ տենդել.

Բոլորը իրար գլխով գիպան: Եփեմիան վախենալով պատասխանատուութիւնից, որովհետեւ իւր անուշադրութեան շնորհիւ էր պատահել անբաղդութիւնը, միայն այն էր մտածում թէ ինչպէս արդարացնի իրան եղբոր առաջ: Ասունին ամբողջ օրը ոտի վրայ էր անդադար վազում էր բժիշկների մօտ ու ղեզատուն:

— Օ՛Ֆ, Տէր Աստուած, սատանայական բան է էլի՛, ինչու պէտք է հէնց այդ ժամանակ ես տանը չը լինէի. դոնէ Միքայէլը այստեղ լինէր, շարած ասում էր Թամարը, որ իրան բոլորովին կորցրել էր վախիցն ու վրդովմունքից:

— Ճիշտ է, պէտք է կանչել Միքայէլին: Նա ինձ խնդրեց որ եթէ մի բան սլառահի, իրան իմաց տամ, նկատեց Ասունին:

— Մի քիչ համբերէ՛ք, տեսնենք ինչ կը լինի. Միքայէլը սաստիկ կը վախենայ որ կանչէք. ով է իմանում՝ ինչ կարծի. կարելի է շուտով լաւանալու է, ինչու էք ուզում զուր տեղը խեղճին լեղապատառ անել, աշխատում էր համոզել Ասունուն Եփեմիան:

— Զի կարելի էլ սպասել. գուք հօ գիտէք որ բժիշկները վախենում են որ կենդանի չը մնայ, պատասխանեց Ասունին սաստիկ վրդովլած ու վճռեց գնալ Սահառունուց խորհուրդ հարցնել:

Նա հաւատացած էր որ Սահառունու սիրտը ցաւում էր Հեղինէի համար:

Սահառունին, որ միշտ Ասունուցն էր տեղեկանում Հեղինէի աւողջութեան մասին, սաստիկ վախեցաւ, տեսնելով նորա յոգնած ու տխուր դէմքը:

— Ի՞նչ կայ, Ալեքսանդր, հօ բան չի պատահել:

— Ախ, Գէորգ, գոնէ դու օգնիր ինձ, ի սէր Աստուծոյ, ինձ բոլորովին կորցրել եմ, ու ինչ չեմ կարողանում վճռել: Տիկին Հեղինէն

մերձիմահ հիւանդ է. մարդը այստեղ չէ. գնալիս կնոջը ինձ յանձնեց. հիմի չեմ իմանում ինչ անեմ. կանչեմ գործը թողնի դայ թէ չէ, ինչ խորհուրդ կը տաս:

Բայց Սահառունին պատասխանի վրայ չէր մոածում: Ասունու հաղորդած լուրը կայծակահար արեց նորան. արիւնը երակներումը սառեց. կանգնած տեղումը քարացաւ. մնաց՝ սպրտնած երեսով, ջղաձգարար կծկւած բռունցքներով և շաղւած հայեացքով:

Այդ վայրկեանը բաւական էր Ասունու աչքերը բանալու համար. նա հասկացաւ թէ որքան թանկ է իւր բարեկամի համար Հեղինէի կեանքը:

Ակամայ ականատես դառնալով Սահառունու տանջանքներին, նա սաստիկ զղջաց իւր անզգոյշ վարմունքի համար:

Մինչդեռ Ասունին շարած մոածում էր թէ ինչպէս անի որ մի կերպ միիթարի ընկօրը և փարատի նորա վիշտը, Սահառունու անմիտ հայեացքը թափառում էր տարածութեան մէջ և նորա չէմքը աւելի ու աւելի սաստիկ էր ծածկւում մեռելային դեղնութեամբ:

— Գէորգ, հանգստացիր, գուցէ դեռ յոյս կայ, մի ժամից յետոյ կ'օնսի ի ի ու մ կը լինի, բժիշկները կը խորհրդակցեն՝ տեսնենք ինչ կը վճռեն. գնանք Ամիրանովենց տունը, ասաց Ասունին մտերմաբար և սրտացաւութեամբ, բռնելով ձեռքը:

Սահառունին կարծես ուշքի եկաւ:

— Դու ինչ-որ ասացիր... յանկարծ խօսեց նա: Ասում ես... յոյս կայ: Այո, մենք պէտք է ամեն հնարք գործ դնենք նորան փրկելու համար:

Այդ ասելով Սահառունին սաստիկ շտապելով վերցրեց գլխարկը և, չը նայելով որ յանկարծական ջղային ցնցումից բոլորովին ուժասպառ էր եղել, գլխապատառ դուրս թռաւ փողոցը:

— Հը, աղջիկ-պարոնը ի՛նչպէս է, հարցրեց Ասունին սրահում դայեակին:

Սահառունին աչքերը քցած պառաւի դողդոջուն շրթունքներին անհամբեր սպասում էր պատասխանի:

— Ինչպէս առաջ էր. ուշքի չի եկել ու զառանցում է, պատասխանեց պառաւը լացակրկնած աչքերով: Ախ, ինչ ասեմ, սիրտս

այրուամ փոթութւում է, սր նորան այդպէս տեսնում եմ. այս շորացած ձեռներին վրայ եմ մեծացրել իմ հրեշտակին: Ես էի ուզում պահել երեխային, բայց հօ գիտէ՞ք նորա բարութիւնը, ասում է, Եւէ, Նանի, մեղք ես, դու ինչ հալ ունես օր ամբողջ գիշերները անքուն նստես, ու ուրիշ ջահէլ կնիկարմատ բռնեց: Ախ, աչքերս դուրս գար, ու չը թողնէի որ ուրիշ բանի, ասում էր հաւատարիմ վրացի դայեակը ու հուքուր հուքուր լալիս, աղի արտասունք թափում:

Նա ջահէլ ժամանակ աղախին էր մտել նակունիների մօտ և այնքան սիրում էր Հեղինէին, որ նորա պատկերաց յետոյ աղաչել, թոյլութիւն էր ստացել նորա տանը ապրելու ու վճռել էր ամենեւին չը հեռանալ նորանից:

— Հանգստացիր, Նանի, աղջիկ պարոնդ կը լաւանայ, միտթաւում էր խեղճ պառուին Ասունին, ու դառնայով դէպի Սահառունին աւելցրեց, դու, Գէորգ, նստիր առանձնասենեակում, իսկ ես գնամ բժիշկներին կանչելու:

— Լաւ: Երևտ գնա ի սէր Ասունի:

Սահառունու դէմքը արտայայտում էր յուսահատութիւն, սէր և յոյս, որոնք փոխէփոխ ալէկոծում ու լուսաւորում էին նորա սիրտը:

— Զեր օգնութեան կարօտութիւն չը կայ, նեղութիւն մի կրէք, խնդրեմ, չոր-չոր նկատեց Եփեմիան պատահելով Սահառունուն առանձնասենեակի շէմքում:

— Միթէ՞ ծննդկանի հանգստութիւնը և մահամերձ հիւանդի հոգատարութիւնը այս վհուկին է յանձնաւած, մտածեց Սահառունին:

Այդ րոպէին նորա սիրտն այնքան լիքն էր զանազան յուզմունքներով, որ զարոյթը տեղ չէր կարող գտնել իւր համար, և նա մի րոպէ անցած մեղմ կերպով ասաց:

— Թող տէք ինձ, Եփեմիա Պետրոֆնա, այստեղ նստեմ մինչև որ Ալեքսանդրը վերադառնայ, գուցէ մի բան պէտք լինի՝ անեմ:

— Դուք գիտէք, նստէք սպասէք, կէս ժամ կը լինի որ նա քնել է:

Ինչ մտքեր շանցան Սահառունու գլխովը, ինչ չը զգաց նա առանձնասենեակում նստած ժամանակը: Մի պատ էր միայն բաժանում նորան իւր սիրած էակից. հոգին սլանում էր գէպի հիւանդը, նա երեսը կայրեց սառը պատին ու ընկաւ մտքի հետ...

Դուռը կամաց թխթխկացրին. նա ուշքի եկաւ:

— Իհորգ, արի դահլիճը, բժիշկները ժողովել են, պէտք է խորհրդակցեն:

Սառահունին վեր թուաւ. տեղիցն ու գնաց դահլիճը:

Իւր կեանքումը Սահառունին ոչ մի խօսակցութեան այնպիսի ուշադրութեամբ ականջ էր դրել ինչպէս այժմ ականջ էր դնում բժիշկների խօսակցութեանը. կարծես իւր կեանքը կախաւծ լինէր նրանց «այո» կամ «ոչ»-ից: Դատարանում կեանքի կամ մահւան դատաւճիռ սպասող մեղադրեալի զգացմունքով դիտում էր նա բժիշկների դէմքերը, աշխատելով նշմարել նրանց արտայայտութեան մէջ գտնէ մի թույլ նշան, յոյս կայ փրկելու:

Վերջապէս բժիշկները յայտնեցին որ դեռ չը պէտք է սպասել ճգնաժամին: Սահառունին ժի քիչ հանդստացաւ այդ պատասխանից ու գնաց տուն, բայց տանը չը կարողացաւ նստել, կէս ժամ շանցած նորից դուրս եկաւ ու երկար ժամանակ աննպատակ թափառում էր փողոցներում: Մութը որ ընկաւ նա նորից գնաց դէպի Ամիրանովնց տունը և համարեա գիշերւայ կէսը անցկացրեց լուսամուտների տակ կարծես ուզում էր տան մէջ կատարւող շարժմունքից գուշակել թէ ինչպէս է Հեղինէի առողջութիւնը:

(Կը շարունակւի)